



8. september 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Naalakkersuisut suliniutinik immikkut ittunik sunik aallartitsisimappat, Nuup Mittarfiata siunissami isumannaallisaanermut akuersisummik arsaagaasaqattaarnerata pinngitsoortinnissaa qulakkeerniarlugu?**
 - a. Nunanut allanut angalasussanik nakkutilliisut piginnaasaannik qaffassaanissaq pilersaarutigineqarnerluni, soorlu assersuutigalugu atorfinitsitsinikkut, ilinniartitaanikkut nukinnik amerlanerusunik pegalernikkut, arsaagaanerit assigusut siunissami pinngitsoortinniarlugit?**
- 2. Nuummi Mittarfimmi One-Stop Security-akuersissutip piviusunngornissaanut piffissaq qanoq sivilisutigisoq naatsorsuutaava?**
- 3. Naalakkersuisut eqqarsaatersuutigisimanerpaat Nuup Mittarfiani utaqqisarfiup illutaani tigussaasunik allannguisoqarsinnaanera – soorlu nunap iluani- aamma nunanut allanut ilaasussat allanngortinnerisigut – isumannaallisaanermut ajornartorsiutinut uteqqiattunut aaqqiissutissat ilaattut?**
- 4. Naalakkersuisut oqaluuserisamut soqutiginaatilinnik allanik paasissutissiisinnaanerlutik?**

(Inatsisartunut ilaasortaq Justus Hansen, Demokraatit)

Tunngavilersuut

Qaammatit kingulliit takutippaat, Nuup Mittarfiani unammilligassat imaannaanngitsorujussuusut. Aggustusimi nunanut allanut timmisartuussinerit unitsinneqarneri angalasunut timmisartortitseqatigiiffinnullu annertoorujussuarmik ajornartorsiortitsipput. Taamaattumik ilaasut ilai mittarfiit allat aqqutigalugit allamukartinneqartariaqarsimallutik. Taamaaliernerit, mittarfimmut tatiginninnermut annikillisaataapput.

Taamaattumik pisariaqarluinnarpoq paasissallugu, Naalakkersuisut aamma Greenland Airports qanoq ilillutik, ajornartorsiutit pileqqinnginnissaat qulakkeerniarnaat. Ersarissuliornissaq pisariaqarluinnarpoq, pilersaarutit suut sillimaniarnerup annertusarnissaanut pilersaarutaanersut sulisut ilinniartilluarnerisigut, One-Stop Security-akuersissutip pissarsiarineratigut aammalu utaqqisarfiup pitsaasuunissaanik isumaginninnikkut aammalu utaqqisarfiup illutaata allanngortitersinnaaneratigut.

Pingaartumik apeqqut, qanoq ililluni nunap iluani- aamma nunanut allanut ilaasussat



immikkoortinneqarsinnaaneri, pingaartuuvoq paasissallugu. Mittarfiit allat periuseq taanna ingerlappaat, tamannalu Nuummi aaqqiissutissamut ilaasinnaalluni.

Apeqqutima ullut suliffiusut qulit iluanni akineqarnissaat qilanaarivara.